

JZU BOLNICA „SVETI VRAČEVI“

BIJELJINA

Broj: 5500/21

Dana: 03 09 2021. godine

Na osnovu člana 70. Zakona o javnim nabavkama BiH („Službeni glasnik BiH“ broj 39/14) i člana 16. Pravilnika o javnim nabavkama JZU Bolnice „Sveti Vračevi“ Bijeljina, a povodom Otvorenog postupka broj 4621/21 za nabavku robe – Dušeci, posteljina i drugi tekstilni proizvodi broj obavještenja: 106-1-1-528-3-82/21; nakon sprovedenog postupka javne nabavke i prijedloga Komisije za nabavku broj 5007-3/21 od 30.08.2021. godine, donosim

## **ODLUKU** **o izboru najpovoljnijeg ponuđača**

### **I**

U postupku ocjene ponuda koje zadovoljavaju uslove navedene u postupku javne nabavke broj 4621/21 – Dušeci, posteljina i drugi tekstilni proizvodi, primjenjujući kriterijum ekonomski najpovoljnije ponude, izabrane su:

- Ponuda “Textil LT” d.o.o. Bijeljina za lotove: 4, 6, 8
- Ponuda “Derby trade” d.o.o. Brčko za lotove 1 i 2

### **II**

Izabrani ponuđač je dužan da u roku od 5 dana od dana prijema ove Odluke, Ugovornom organu (na adresu Kneza Miloša 15, 76300 Bijeljina) dostavi dokaze o ispunjavanju uslova iz tačke 3. podtačka 1. Tenderske dokumentacije, a u skladu sa članom 45. stav 2) Zakona o javnim nabavkama BiH („Službeni glasnik BiH“ broj 39/14).

Dokazi koje dostavlja izabrani ponuđač ne mogu biti stariji od 3 mjeseca, računajući od momenta predaje ponude i moraju se predati u originalu ili ovjerenoj kopiji.

Ukoliko ponuđač propusti da dostavi navedena dokumenta, smatraće se da je odustao od ugovora za navedeni predmet nabavke, te će Ugovorni organ postupiti u skladu sa članom 72. stav 3. Zakona o javnim nabavkama BiH.

## **Obrazloženje**

U postupku javne nabavke broj 4621/21 (broj obavještenja na portalu javnih nabavki: 106-1-1-528-3-82/21) za nabavku robe – Dušeci, posteljina i drugi tekstilni proizvodi

po Otvorenom postupku, na protokol JZU Bolnice „Sveti Vračevi“ Bijeljina blagovremeno je pristiglo 8 (osam) ponuda:

1. „Ekskluziv“ d.o.o. Sarajevo (za lotove 4, 6 i 8)
2. „Cospex“ d.o.o. Zenica (za lotove: 2, 4 i 5)
3. „Empress“ d.o.o. Zenica (za lotove 3, 4, 5, 6 i 8)
4. „6. novembar“ d.o.o. Zvornik (za lotove 3, 4, 6, 7, 8)
5. „Inter-com“ d.o.o. Zenica (za lotove 4, 6, 7 i 8)
6. „Textil LT“ d.o.o. Bijeljina (za lotove 2, 3, 4, 5, 6, 7, 8)

Komisija za nabavku imenovana Rješenjem broj 4621/21 od 16.07.2021. godine izvršila je javno otvaranje pristiglih ponuda, pregled, analizu i ocjenu ponuda, te konstatovala da su ponude „Textil LT“ d.o.o. Bijeljina za lotove 4, 6, 8 i „Derby trade“ d.o.o. Brčko za lotove 1 i 2 prihvatljive jer ispunjavaju sve uslove tražene tenderskom dokumentacijom, dok su ponude „Ekskluziv“ d.o.o. Sarajevo za lotove 4, 6 i 8, „Cospex“ d.o.o. Zenica za lotove 2, 4 i 5, „Empres“ d.o.o. Zenica za lotove 3, 4, 5, 6 i 8, „6. novembar“ d.o.o. Zvornik za lotove 3, 4, 6, 7 8, „Inter-com“ d.o.o. Zenica za lotove 4, 6, 7 i 8, „Textil LT“ d.o.o. Bijeljina za lotove 2, 3, 5 i 7 i ponuda „Arizona centar“ d.o.o. Novi Travnik za lotove 3, 4, 5, 6, 7, 8 neprihvatljive.

Ponuda „Ekskluziv“ d.o.o. Sarajevo za lotove 4, 6, 7 i 8 se odbacuje kao neprihvatljiva u skladu sa članom 68. stav 4 tačka (j) Zakona o javnim nabavkama BiH, jer ponuđač nije preuzeo tendersku dokumentaciju sa portala javnih nabavki, kako je propisano tenderskom dokumentacijom, te iz tog razloga njegova ponuda ne može biti predmet ocjene.

Ponuda „Cospex“ d.o.o. Zenica za lotove 2, 4 i 5 se odbacuje u skladu sa članom 68. stav 1) Zakona o javnim nabavkama jer kandidat nije dostavio tražene dokaze tehničke i profesionalne sposobnosti. Ponuđač nije dostavio Izjavu proizvođača ili ovlaštenog zastupnika proizvođača da su sve ponuđene stavke usklađene sa tehničkom specifikacijom, koja je tražena tenderskom dokumentacijom.

Ponuda „Empress“ d.o.o. Zenica za lotove 2, 4 i 5 se odbacuje u skladu sa članom 68. stav 1) Zakona o javnim nabavkama jer kandidat nije dostavio tražene dokaze sposobnosti obavljanja profesionalne djelatnosti. Ponuđač je dostavio Aktuelni izvod iz sudskog registra koji je stariji od tri mjeseca od dana predaje ponude, što nije u skladu sa zahtjevom tenderske dokumentacije.

Ponuda „6. novembar“ d.o.o. Zvornik za lotove 3, 4, 6, 7 i 8 se odbacuje u skladu sa članom 68. stav 1) Zakona o javnim nabavkama jer kandidat nije dostavio tražene dokaze sposobnosti obavljanja profesionalne djelatnosti. Ponuđač nije dostavio kataloge za ponuđene proizvode, dok tehnički listovi proizvođača nisu dostavljeni na način koji je propisan tenderskom dokumentacijom.

Ponuda „Inter-com“ d.o.o. Zenica za lotove 4, 6, 7 i 8 se odbacuje u skladu sa članom 68. stav 1) i stav 4) tačka (c) i tačka (i) Zakona o javnim nabavkama.

Ponuda „Inter-com“ d.o.o. Zenica za lot 4 i lot 6 je odbačena u skladu sa članom 68. stav 4) tačka (i) Zakona o javnim nabavkama BiH, jer ponuđeni proizvodi ne ispunjavaju uslove tražene tehničkom specifikacijom.

Ponuda „Inter-com“ d.o.o. Zenica za lot 7 je odbačena u skladu sa članom 68. stav 1) Zakona o javnim nabavkama BiH, jer ponuđač nije dostavio dokaze profesionalne i tehničke sposobnosti koji su traženi tenderskom dokumentacijom.

Ponuda „Inter-com“ d.o.o. Zenica za lot 8 je odbačena u skladu sa članom 68. stav 4) tačka (c) Zakona o javnim nabavkama, jer ponuđač nije dostavio traženo pojašnjenje ponude.

Ponuda „Textil LT“ d.o.o. Bijeljina za lotove 2, 3, 5 i 7 se odbacuje u skladu sa članom 68. stav 1) Zakona o javnim nabavkama, jer ponuđač nije dostavio dokaze tehničke i profesionalne sposobnosti i član 68. stav 4) tačka i) Zakona jer ponuda nije potpuna i ne ispunjava uslove iz tenderske dokumentacije.

Ponuda „Textil LT“ d.o.o. Bijeljina za lot 2 se odbacuje kao neprihvatljiva jer ponuđena roba ne odgovara u potpunosti karakteristikama traženim tehničkom specifikacijom.

Ponuda „Textil LT“ d.o.o. Bijeljina za lot 3 i lot 5 se odbacuje kao neprihvatljiva jer ponuđač nije dostavio dokaze tehničke i profesionalne sposobnosti na način koji je tražen tenderskom dokumentacijom.

Ponuda „Textil LT“ d.o.o. Bijeljina za lot 7 se odbacuje kao neprihvatljiva jer ponuđač nije dostavio dokaze tehničke i profesionalne sposobnosti na način koji je tražen tenderskom dokumentacijom, odnosno nisu dostavljeni svi traženi uzorci.

Ponuda „Arizona centar“ d.o.o. Novi Travnik za lotove 3, 4, 5, 6, 7 i 8 nije dostavljena u skladu sa odredbama tenderske dokumentacije, te se u skladu sa članom 68. stav 1) i stav 4) tačka (i) Zakona o javnim nabavkama isključuje iz postupka javne nabavke.

Ponuda „Arizona centar“ d.o.o. Novi Travnik za lot 3 se odbacuje kao neprihvatljiva jer ponuđač za stavku 6 nije dostavio dokaze tehničke i profesionalne sposobnosti (katalog i deklaraciju), takođe dostavljeni uzorci su neprihvatljivog kvaliteta, te se ponuda za lot 3 u skladu sa članom 68. stav 1) Zakona o javnim nabavkama odbacuje kao neprihvatljiva.

Ponuđač „Arizona centar“ d.o.o. Novi Travnik za lot 4, 5 i 8 nije dostavio dokaze tehničke i profesionalne sposobnosti koji su traženi tenderskom dokumentacijom (katalog i deklaraciju), te se njegova ponuda odbacuje kao neprihvatljiva u skladu sa članom 68. stav 1) Zakona o javnim nabavkama.

Ponuda ponuđača „Arizona centar“ d.o.o. Novi Travnik za lot 6 nije dostavljena u skladu sa odredbama tenderske dokumentacije jer nije dostavljena deklaracija ili tehnički list kako je traženo tenderskom dokumentacijom.

Ponuda „Arizona centar“ d.o.o. Novi Travnik za lot 7 se odbacuje kao neprihvatljiva jer je ponuđač u ponudi vršio ispravke na način koji nije u skladu sa članom 18. stav (1), tačka m) Uputstva za pripremu modela tenderske dokumentacije i ponuda („Službeni glasnik BiH“ broj 90/14, 20/15).

Na osnovu izvedenog bodovanja kvalifikovanih ponuda koristeći kriterijume navedene u Tenderskoj dokumentaciji, a u skladu sa rang listom, vrši se izbor ekonomski najpovoljnije ponude:

**LOT 1** – ponuda „Derby trade“ d.o.o. Brčko, kao ponuda sa najvećim brojem bodova i to: broj bodova 100, ukupna vrijednost 2.510,00 KM bez PDV-a, odloženo plaćanje 60 dana.

**LOT 2** – ponuda „Derby trade“ d.o.o. Brčko, kao ponuda sa najvećim brojem bodova i to: broj bodova 100, ukupna vrijednost 3.600,00 KM bez PDV-a, odloženo plaćanje 60 dana.

**LOT 4** – ponuda „Textil LT“ d.o.o. Bijeljina, kao ponuda sa najvećim brojem bodova i to: broj bodova 100, ukupna vrijednost 2.760,00KM bez PDV-a, odloženo plaćanje 60 dana.


**LOT 6** – ponuda „Textil LT“ d.o.o. Bijeljina kao ponuda sa najvećim brojem bodova 100, ukupna vrijednost 20.322,75 KM bez PDV-a, odloženo plaćanje 60 dana.

**LOT 8** – ponuda „Textil LT“ d.o.o. Bijeljina, kao ponuda sa najvećim brojem bodova i to: broj bodova 100, ukupna vrijednost 4.069,75 KM bez PDV-a, odloženo plaćanje 60 dana.

#### **Pouka o pravnom lijeku**

Protiv ove Odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda Zakona i podzakonskih akata od strane ugovornog organa u postupku javne nabavke. Žalba se može izjaviti u roku od 10 dana od dana prijema odluke o izboru najpovoljnijeg ponuđača. Žalba se izjavljuje na način propisan članom 99. Zakona o javnim nabavkama.

DIREKTOR

  
Prof. dr Zlatko Maksimović